

UTHM kendali kursus urus projek

BATU PAHAT 10 Ogos - Universiti Tun Hussein Onn Malaysia (UTHM) sedang mengendalikan satu kursus mengenai Pengurusan Projek Ke Arah Kelestarian Organisasi yang berlangsung di beberapa negeri.

Ketua Bahagian Komunikasi Korporat UTHM, Shafry Salim berkata, kursus di bawah Program Kerjasama Teknikal Malaysia (PKTM) itu bermula Sabtu lalu sehingga 21 Ogos ini.

Menurutnya, kursus anjuran Pusat Pendidikan Berterusan (CEC) dan Fakulti Kejuruteraan Mekanikal dan Pembuatan dengan kerjasama UTHM Holdings Sdn. Bhd. diadakan di beberapa lokasi di Putrajaya, Kuala Lumpur dan Johor.

“Seiring dengan objektif PKTM untuk berkongsi kepakaran dan pembangunan Malaysia, kursus ini disasarkan untuk memberi



Kursus ini juga menjadi wadah untuk bertukar pandangan, pengalaman dan cadangan penyelesaian yang bersesuaian dalam menangani isu-isu yang berkaitan.”

SHAFRY SALIM

Ketua Bahagian Komunikasi Korporat UTHM

pengetahuan dan kefahaman tentang pengurusan projek yang cemerlang bagi mewujudkan or-

ganisasi yang lestari.

“Kursus ini juga menjadi wadah untuk bertukar pandangan, pengalaman dan cadangan penyelesaian yang bersesuaian dalam menangani isu-isu yang berkaitan,” katanya dalam satu kenyataan akhbar di sini hari ini.

Tambah Shafry, peserta yang terlibat dalam kursus itu termasuk dari Azerbaijan, Bangladesh, Bhutan, Filipina, Mesir, Paraguay, Sri Lanka dan Thailand.

Katanya, kursus itu menggunakan pendekatan aktiviti kelas yang interaktif, perbincangan dalam kumpulan, simulasi dan praktikal di makmal.

“Selain itu, projek berkumpulan dan lawatan sambil belajar ke organisasi-organisasi berkaitan di sekitar Putrajaya, Kuala Lumpur dan Johor turut diadakan,” ujarnya.